



10434

退谷文集 詩

詩目

五言古詩

一卷

七言古詩

二卷

五言排律詩

三卷

五言律詩

四卷

七言律詩

五卷

五七言絕句詩

七卷

退谷文集

詩目



退谷文集

詩

詩目

五言古詩

一卷

七言古詩

二卷

五言排律詩

三卷

五言律詩

四卷

七言律詩

五卷

五七言絕句詩

七卷

退谷文集

詩

五言古

上元黃

越稿

此日不再得

步龜山楊氏原韻

此日不再得無術繫扶桑流光歛忽去轉眼鬢已蒼及
茲日在東亟乘熹微光夜氣方少靜慎動養微陽培植
使之長前軌無難方譬彼參天木初亦止勾芒雨露滋
未已終焉必允臧不然牛羊牧安能保不賤仁義未榛
蕪粹精殊粃糠掉臂遊其窟恣意取所藏微顯更闡幽
擷秀彌攀芳瞬息有養長襟天德剛就將曷有極緝

退谷文集

詩

五言古

一卷

熙無徬徨惜此分寸陰莫謂日月長岐途迷寂滅習氣
希老莊亦有聲華士雕鏤工詞章亦有功利徒側足富
貴場豈知樂道者望古如望羊我氣日益衰讀書頗善
忘恪遵先聖言不息當自強幸得指迷津斷港得葦航
循塗守舊轍用拙以爲常古訓苟有獲絕學未嘗亡不
亟勤耘耔隕獲徒爲傷克念與罔念中分聖與狂

陶靖節飲酒

步羲農去我久一首原韻

靖節有微尚飲酒掩其真悠然辭世網醉鄉還真淳

生忠孝意焉肯更美新不知有漢魏遺恨託逃秦折腰
別有恥簪紱等輕塵登高聊舒嘯耘耔或自勤倦來足
高卧常與羲皇親桃源在人間歎息無問津秋成秫已
熟醞釀方漉中東籬花正吐獨飲旁無人

新火

步京江相
公原韻

五行各有司司燿順其序連朝逢熟食爨火禁不舉榆
柳恰當妍鑽燧先寒暑廟堂傳蠟燭三公相與語古者
歲數改此亦其遺矩輕烟散萬家熒熒成列炬餽餉待
退谷文集

詩

五言古

二

一卷

東菑婦子方炊黍歡然餘一飽俯仰恣飲茹緬想茹毛
初悠然得我所嗟嗟介之推爾日失儔侶

讀漢留侯唐鄴侯傳

有序

古人熟察於天下之故嘗爲天下畫大策定大計深
謀遠慮於廟堂之上而天下不見其迹讀留侯鄴侯
傳嘆其定策兩代進退從容異世同揆也爲賦此章
漢唐有國士遇主亦何奇深謀在密勿外廷那得知緊
惟張留侯楚漢視安危韓彭方苦戰狀貌自委蛇技經

肯綮間披豁定危疑更下商山皓不茹商山芝所關良
大計智勇安足爲鄴侯故隱倫踪跡若相追藩鎮方跋
扈未親提一師白衣侍黃衣從容帷幄時僭亂以次平
發縱者爲誰君臣方燕笑徘徊若有思乘間進微言遂
乃定丕基此事故不小人亦無從窺嗟此二侯者鴻名
宇宙垂一從赤松遊一願返西陲功成拂衣去千載共
心期

九日閑居

用陶靖節原韻

退谷文集

詩

五言古

三

一卷

鼎鼎百年耳孰不涯吾生涼秋歛忽至九日誰所名鴻
鴈自遠來黃花照眼明鷹隼逞健翮絡緯競繁聲空齋
百無爲高舉怯衰齡况乃雨窘步列坐酒杯傾儕偶話
心曲怡然遺世榮金馬隱曼倩頗見古人情勞勞亭上
容且莫問虧成

蒼蠅

汝適從何來汝知汝不愧污口吾不言視爾多得意抱
頭喜摩娑呶嚶屢攘臂峩峩朱其冠結束金碧異徑上

君子堂敢擯衣冠位著糞上佛頭攢毗不容唾筆端洩
詔秘狡獪能作祟拔劍怒驅之挪榆等兒戲棘桑皆可
止包羞宜遠離何遽集於此此是清涼地架滿鄴侯籤
汝寧爲此至芝蘭種前除過之反却避纔一著腥膻幽
人掩其鼻汝偏聞所聞不覺神先醉時不後須臾朋不
招自致螂蛆誠甘帶腐鼠鴟鴞嗜殆有甚於斯鑒此憎
轉悻木朽蠹乃生籬牢犬敢肆苟不染腥羶彼亦無所
覬鑑懸千片冰著脚惡容屣匣藏三尺水廉鍔難偏視
我自絕攀援營營者何利

退谷文集

詩

五言古

四

一卷

題同門王若干藏沈石田蜀道難圖

蜀道古所難丹青指諸掌蠶叢及魚鳧半幅生綃上初
展萬峯攢細玩恣幽賞危磴半空懸飛瀑山山響襍被
緣沿上鳥道人來往向來千仞棧漸闢成開敞劒閣屹
高危當關誰搶攘浮雲自回日迴川自沈滌黃鶴將雛
飛猿猿任偃仰時危仗險阻平原亦伏莽世治守四夷
安用此嵒嶙頭見紅苗化溪洞則三壤天明爛胛地絕

嘯皆稽顙矧在梁州境禹服無偏黨蜀山何蒼蒼蜀水
何漾漾披圖得大觀卧遊煩寤想

送陳秋田之任荔浦

文章聲價重俯仰宜廊廟疇昔自考牘窺見秋田豹小
者冠其曹大則魁鄉校以至對大廷陳言迅如掃研精
入理窟儒先孳其要醞釀吐菁英秋月入懷抱辰冬獲
專刻益復尋窵窳震川不可作斯人乃入妙酉秋握京
邸受德兼忠告飲醇不覺醉天懷直浩浩公卿爭薦剡
退谷文集

詩

五言古

五

一卷

曰宜典制誥上方嚮文學撰著應有效掉頭不肯受怡
然顧之笑百里得西甌彈丸辱杜召翻謂吾所宜腹邊
亦何較疏迤當茗爽闇昧光明耀還爾鳳凰池旋當陟
清要行行去復來指顧長安道

送瑤圃同門赴景東任

宗誼入師門諸昆且一譜仲季偕春官叔先同座主柘
城夫子門立雪時傾吐有時邀仲季琴樽話今古與上
伯兄堂傳經相鼓舞間語及宗族遙遙分上祖以此視

同年呼吸更水乳聚首仕京華花萼輝當午何乃萬里
遊滇池渺水滸去年桂香時仲按滇中部今年菊正花
叔也復踵武頗聞景東地風俗如南土得此抒所學未
必非鄒魯兄弟盡京秩叔獨辭畿輔轉眼膺特薦還朝
衣繡斧行矣莫辭勞普天同一字相見不幾時依然舊
時雨

上大司農張遂寧夫子

公忠植人材庭階無私謁所貴在甄陶隻辭重袞鉞繫

退谷文集

詩 五言古

六

一卷

昔我夫子文旌麾吳越越時隸諸生抱璞幾遭別有拔
使之起衆乃以爲宜遂加以拂拭勗我以言辭天下爲
已任在爾諸生時此時厚自植過此乃不移刻苦意彌
堅至是始得師茹古事丹鉛雌黃信有之夫子曰不可
憤激乃基禍子方當進取事與山林左但自能持正經
經無乃果泰山立萬仞雅復戒偏跛是日受千言懼弗
克負荷違侍十五年勲名照八埏非公不相見無得而
望焉節鉞兩江日燕臺糜粥饘河淮底定日策力皆連

翻公不樹私恩逡巡不敢前以茲睽几杖悵悵迷所向
頃以公車來公位司農上稽首叩門墻壁立絕依傍舊
屬江浙士前後難瞻仰時公當讀卷入穀多奇彥藉手
達人材摸索不見面越亦隸北門逐隊叨恩選回首樂
有心應亦勞纒眷所以感知已豈必時相見值公岳降
辰長歌以式燕

趙松五年伯

託志在公忠門庭無私謁通門猶子輩率履罔敢越憶

退谷文集

詩

五言古

七

一卷

伯同選拔公時息六月肅拜江陰涓家法嚴衰鉞嗣是
憲大邦十載還魏闕壁立仰千仞勲名勒珉碣伯也魁
天下予亦踵高揭歲時一登堂有懷不能竭頃以穀涌
貴旄麾按東粵廟堂方倚重駸駸那可歇季夏當盛暑
拊循彌矻矻值公嶽降辰巾車乃服輓活此億萬人眉
壽增華髮延佇待公歸歸朝又正芻國爾自忘家華筵
敢唐突

胡東樵年伯

讀書不干祿鴻名徹黼座所上禹貢圖羣疑砮然破至
尊爲霽顏恩禮無以過如此真實用信是太平佐掉頭
歸舊山著述仍高卧卽今年八十神明不少惰令子已
高騫文孫史館坐勤勤爲析薪看看能負荷怡然以終
日校書作清課南極正光鉅宜爲人瑞賀

汪恒菴

七十古言稀娛老人所羨惟是百端集日月如掣電繫

維汪夫子蒼顏日蔥蒨生本不知憂年年事筆硯教子

退谷文集

詩 五言古

八

一卷

各一經都是金閨彥孟也躡屨來策中金華殿非常賜
顏色留讀中秘卷不得顧恩私寢門恒眷眷翁屢大書
來精力吾不倦山水夙所契登臨足式燕雲土夢作又
杖履幾遊徧汝弟善承顏汝子代視膳汝子又生子汝
於吾何牽三年雖處囊其末早晚見明秋大慶時孟正
叨榮選高車駟馬歸卷鞢恰侍宴四世一堂滿翁顧而
稱善寧獨老人娛賓朋盡歡醺

劉中翰妾

巾幗具烈性鬚眉反躊躇天天充下陳貫若媵與魚君
子匹淑女當夕敢齋居自從仕京華予美遂同車朝衣
織手縫親熟腥與蔬賴之得豐潔匪是懷莫舒遲久育
一子珍重等璠璣何乃遽使殤飲泣背歛歔老父哭少
子非待大門閭轉憐其生母渺渺故愁余忽復發奇談
先君吾弗如獨如其哭殤年皆六十餘父終妾隨嫁我
死亦聽渠似謂從死難先死肯趨起朝回妝閣閉怪爾
相迎徐胡爲死一言悲風起庭除匹婦甘爲諒耿耿遂
退谷文集

詩

五言古

九

一卷

書

王瑤峯祖母

死易立孤難三宗系一子失侶撫孤雛呱呱惟母恃况
復戎伏莽人命輕於紙故鄉不可留觸目皆封豕邦上
有遺謀倉皇圖播徙伯也守丘墓叔也從相倚伯叔皆
無兒宗祊在此耳襁褓辨之無束髮程文史三冬雖足
用生事待齟齬此時似續急所重惟宗祀拮据締絲蘿

取辦於十指三索皆舉男不覺顧之喜茹茶五十年待
此以不死孫輩復有成下報無愧矣仲孫爲予言懿行
曷勝誅報劉自私恩全孤良有以聖朝重風教頑俗賴
以砥敢告采風者輜軒誰作使

和周寒谿前輩硯山十咏

明月峽

月白山後升山前桂影濕鼓柅過山根寒光射斗笠三
峯欲出雲可玩不可入

退谷文集

詩

五言古

十

一卷

旃檀

攬之不盈掬瓊瓏別有天似從海南來染就五谿烟丘
壑餘香氣旃檀遜自然

穿山

巒空在一拳川巖亦相繆能作橘中叟入此儘夷猶辰
沅有穿山伏波已千秋

獨醒石

石丈拜不起誰爲飲一石沉酣彼何人瞠視獨醒客挺

挺立風前二豪均辟易

獅巖

威能服百獸虎尾敢角力
蹉峩萬松底莽蒼成一色
茸尾大於斗狐兔過不識

青鸞

玉音何處調女牀棲有年
鼓此青旻翅浮雲爲之穿
岬然乃獨立日暮冷蒼烟

石芝

退谷文集

詩

五言古

十

一卷

也似蒸成菌霞光映止水
何必尋肉芝大藥誰不死
摩娑雙眼青對爾亦足喜

積翠

萬綠滿前山蒼然皆石髮
青翠不可狀彌望總恍忽
收此奇崛姿居然襟帶挈

雞背嶺

豈有虛驕氣已無聲遠聞
屹然唯獨立舉首接青雲
看他成養日五德若爲羣

小飛來峯

飛來天竺後誰更剖靈根
雨竇穿雲出風前裂石翻
臥遊何不足且莫問丘園

寄張慎五

訂交三十載姻好初未聯
登堂先拜母側聞尊甫賢
嶽嶽張夫子浮薄噤不前
維時守一官往來吳與燕
重我能刻苦不得奉周旋
遽爲刊考牘遺我以俸錢
自子庇蒿蘿與我相磨鐫
蘭若共晨夕燈火對寒氊
時公亦解

退谷文集

詩

五言古

七

一卷

組念子踏朝烟提携一孫來
顧我清涼巔一時祖子孫
及我各一編怡然坐永日
持贈皆真詮遇合會有數
植品固其先文果與行齊
何妨卧林泉俛仰忽陳迹
公已爲飛仙頭我羈玉堂
思之每泣然君今復教子
我子亦比肩君子之少者
穉女將託焉申之以前聞
及此養正年少壯能幾時
與子皆華顛典型在夙昔
我亦將歸田石交幸不泐
此義常拳拳

贈李梅舟

箕裘承奕葉特達必恢奇太原兄及弟仙李結雙枝伯
也冒風塵仲兮鬱家居協力持門戶各視才所宜痛失
先人怙繼志在斯時裘馬屏風好徵逐心竊嗤伯頃來
京華老成衆共推然諾不肯苟出納如繭絲經理其世
業整齊無參差年華未及壯閱歷成夙知歸與而弟言
同心善自持早作而夜思逸豫非所期

方可臣小照

訂交五十年心邇形常隔披圖覩其真丰標何奕奕翻

退谷文集

詩 五言古

三

一卷

憶同硯時頤方瞳紺碧鬚未奮張意氣已軒赫辟易
廢千人培風天地窄不見幾星霜鬚髮爲之白前年聚
京華渥丹顏尚赤龍馬肖其神姿致海鶴翻不見又六
載茲圖如親炙君何養生術若此其光澤吾衰顛種種
挈榼溯疇昔把臂入竹林醜醜山下宅此遊如可再更
願數晨夕綠樹陰正濃相與坐磐石

蘇君麓小照

盛世重養老肉帛必以時緬此黃衣翁精神海鶴姿杖

國兼杖朝齒德動彤墀再邀聖人賜輕紈細於絺歸以
示子孫剪尺製機絲著來堂上坐親串噴有辭載賡九
如句引滿各晉卮側聞屈萬壽薄海集老者惟帝曰耆
碩歷代咸重之詔集宜春苑山海羅珍奇親王爲酌醴
賞賚各有差國老與庶老承恩罄不遺不及此曠典嗣
子輒嗟咨顧生仁壽世久已浹恩私寫此作儀型永寄
百世思

趙子榮小照

退谷文集

詩

五言古

古

一卷

志不在溫飽餓夫反藉口苟非志所勵溫飽於何有丈
夫七尺軀動忍恒掣肋旣鮮先世業挾持又無偶赤手
捕長蛇挫折幾經受及其困而亨皤然成老叟回思所
闕歷痛心常疾首咄咄子榮氏立志早不苟語我以艱
難十不記八九幼年失怙恃衣食於奔走鴈行中道折
三十始匹耦四十生兩兒家口漸紛紛析著得一擔家
有長物否寄居謀朝夕旦夕持空手晨起每披星夜歸
恒到舟楫懼風波陸行逢盜藪如此數十年枕簟得

安不有志事竟成幸不落人後兒次第成立納婦供箕
箒老妻面復光歲時聚杯酒斗室心得寬圖書列左右
硯眼穿鴝鵒閣帖藏蝌蚪時花貯軍持鬲羹雜龜紐名
士及詩僧良多素心友眼見素封家轉盼拉枯朽亦或
起單寒兢業能持久所賴繼志賢抑要使可守一一話
艱難初志幸不負視履考其祥元吉迺无咎寫生揭心
期鑑貌知忠厚飲汝一杯酒精神倍抖擻歷苦初得甘
俾爾臧而壽

退谷文集

詩

五言古

五

一卷

哭六一孫

有引

有後兩孫必不能忘前兩孫莊子曰人故無情乎人
而無情何以爲人將欲存之必特書之檢出重錄個
惘如前日事也

中年哀已多老更心如刺死壽不可齊禍乃加童稚有
孫名六一餘年託以誌爾生又四載予已六十四繫此
四年中拂逆亦時至一見寧馨兒盛怒不忿憶賴爾以
永日略示之無字伸掌索予書十不忘一二朝下每前

迎夜歸猶未睡懷抱直把鬚噴喝非吾志家人子比肩
僕僕供遊戲有時或睇藏多出其不意有時竹作馬或
爲之擁篲有時學排衙呵叱羣辟易幼姑奇愛之諄語
皆倫次曰子極不忘一一有好致祖母奇愛之寢食何
曾離時時索梨棗往輒取諸寄安能無躍冶間一使氣
質乍聞阿母誠帖服不敢肆乳下弟未言煦媪時相媚
父昨官學歸牽衣喜不寐笑語倍平常予心已暗悻往
與爾父言此子非凡器明年入家塾基宜擴所自經書
及左國如汝發蒙始眼欲見其成書香待以嗣顧此神
駿姿頭角嶄然異碧梧敷葉初新籜方交翠蘭芽茁桂
蕊竊自稱家瑞何圖轉盼間利刃予心割不及八九日
骨肉歸於地魂魄將何之那能汝不惴聚哭殷如雷滂
沱雜涕泗我老哭無聲欲泣婦人事作歌以寫哀情狀
難悉記始我有癡望而今不得遂吾生亦有涯自苦知
顛顛其如情緒牽彭殤難一視悲亦無幾時悲極心如

醉

退谷文集

詩

五言古

六

一卷

謁明道先生祠

聖人傳道統微危凜一絲鄒魯渺難繼千載復在茲濂
溪紹真傳先生竟得之愛民有化臺律身惟正持公論
百姓定所以有專祠吁嗟先生德不僅澤蒸黎主敬易
主靜豈謂致良知以斯彰正學天地秩倫彙設若無先
生晦昧鮮且時仰如論新法安石亦屈辭是知先生心
至公無一私展拜晤精誠景仰何盡期

石塔寺撫生和尚七十

退谷文集

詩

五言古

七

一卷

石塔古道場揚州清淨地自非靜有餘法席誰與嗣十
方受戒者年年接踵至一一予清規帖服不敢肆飛錫
到鹽城說戒永寧寺長空見雨花庭栢滴蒼翠歸來菊
吐葩座滿龍蛇字值公臘七十詩歌各一致所好豈云
阿當之原不愧予本操儒術參寥欄夙獎奮筆前致辭
恐落第二義質直寫其真法門本不二

退谷文集

詩

七言古

上元黃

越稿

御製春雨行恭紀

原韻

時乃民之天當春肯自誤聖人閱農心刻刻如春煦土膏泉已發况乃雲騰霧須臾彌四郊頃刻桑田雨沾濡麥苗新恰慰三農務春前瑞雪劇有餘春來雪消水滿渠得此滲漉益霑足來牟在眼民氣舒謀牛酒淪溪蔬田畷婦子皆樂胥呼爲靈雨誰吹噓一人有道天心順昨歲租賦悉已除感召嘉祥均雨澤時和年豐頌允如

退谷文集

詩

七言古

一

二卷

牧人早夢衆維魚轉眼西成兆叶初

御製閩河長歌恭紀

原韻

京畿水利異南天彌望平原無陌阡元后裁成俾溥洩千年水淀成良田旱澇不害民豐裕春來兩岸盡耕烟桑乾有源難目睹禹跡所堙疑未撫西山諸派合潺湲下流泛溢寧安堵父老攀援顛乘輿扶老挈幼衆難數維帝曰咨此不防尚何遠問淮與黃東西南北皆赤子不忍昏墊總如傷廟堂周覽有石畫所司奉勅謨洋洋

不惜發帑須盡力細及溝洫拯艱食一夫無使歎斯饑
一民不令虞及溺隄防周緻變沃壤中邦成賦同三則
十五年前大功成長隄鞏固安無傾高低更樹榆與柳
民居稠密荷太平乘輿再出期善後憂勤所得毋紛更

劉學士舊井行

有序

井在翰林院後堂之東偏與柯亭相望李西涯詩所
謂柯亭劉井相西東也今井獨存明劉文定定之學
士所斃味甚甘至今賴焉儀門外東北隅井味苦今
廢矣不足并論也作劉學士舊井行

退谷文集

詩

七言古

二

二卷

翰林故事傳劉井井冽泉甘逆齒冷後甘前苦此獨存
輓轡輕轉銀床縷玉河近在井之東咫尺淵泉想暗通
河東亦有詹事井二井不與衆井同城中有井味皆苦
汲取遠致河之滸不則永定門之南何如此井近在廡
有時倦讀沁人心蠲眼烹來細細斟有時潑墨餘墨汁
硯田潤澤何淋淋齋厨庖臚皆取足往來井井惟所欲
我來沾溉亦已多漣漪生處苔痕綠低徊學士想當年

殆有微尚寓諸泉泉深矯短劇可憐汲古修綆須便便
重立瘞鶴銘爲陳滄洲公祖作

瘞鶴銘墜焦山巔遺文割裂石沉澗永叔得僅六十字
子厚十二奚其全波穿水齧七百載鯨吞鼉突依稀在
豈無摩本盛流傳傳會舛僞神已改亦有探奇好事者
水涸石露緣沿下仰身卧搨臂拘牽泥封蘚蝕難烘打
滄洲太守京江客臨池不作簪花格竭來訪古山之西
神往雷轟一片石當年此石初崩墜山骨渾連山之臂
退谷文集 詩 七言古 三 二卷
欲使故物還舊觀縱役于夫祇歎喟臨崖側足重嗟咨
典午距今凡幾時其間嗜古者誰子振拔胡乃艱於斯
乃使巧匠尋其理仆者一石斬其趾絙而出之難者易
四石帖然皆就理位置五石揆舊文大書闕文眞贗分
千年神物一朝合寶墨亭本徒紛紛君不見辟雍十鼓
已作日雲麾六碣曾塵垢得公拂拭使重光一樣雲霄
垂永久惟公智勇夙無倫拔之而起軼先民擘畫一事
皆經綸舉重若輕捷有神

秧馬歌

步東坡原韻

年年插秧雨萋萋又見新秧刺水齊禹乘四載槁行泥
胡不施之入夏畦身騎秧馬叫午雞枵腹不聞臨風嘶
背用桐質輕可提腹滑用榆舟較低尻首皆昂削如圭
以我髀股代霜蹄水田漫逐鳧與鷺輕解秧把首所齋
罄控不須無月題南東其畝北復西蹠蹠那用催鼓鼙
好同流馬越山谿飼秣何有屋壁棲自從播種布穀啼
汗滴禾下面目黧賴汝乘坐少顛儕彼姝者子出金閨
退谷文集 詩 七言古 四 二卷

胼胝不問鋤與犁駿馬驕行必馱馱

吳義民尋弟詩

有引

義民吳伯宗山西稷山人辛苦尋兩弟卒得之相國
陳澤州作詩七十六韻歌其事安溪李相國爲作傳

館試得此題率成

生人友愛非奇節末俗相猶庸行裂却令匹士稱友于
地義天經賴不滅伯宗爲兄誰與埒少無怙恃兩弟別
鴈行相失萬重雲南北東西聲響絕骨肉乖離忽幾年

大被空存淚暗濺上天下地期相見不令同氣獨顛連
數聞消息輒無前關山迢遞每孤騫茫茫大地烟雲隔
往往徒勞志益堅或言子季傭燕市急往從之果有異
相持哭罷問行藏仲弟音書歛忽至寧古將軍義勇刺
轉徙掠買戍此地更隸小伍拔籍難輕身放歸談何易
爾時大言謂不難間關險阻越千山自古天明爛胛處
冰雪沒踝鳴之官抗顏不屈辭孔繁正色侃侃星斗寒
掠者犯法尚驕橫良民係累爾何安將軍壯之窮其故
立卽遣之翻不怒來時苦寒兄獨寒還時苦寒兄弟具
提携捧負相煦媪墮指裂膚安足懼更携幼弟出京華
稷山一夕天親聚此其可貴非難能閱牆禦侮詩所賡
以諷末世不得已况此至性由眞誠大賢輔相天下平
意主風世使敦行庸德不遺編戶民歌詩作傳人知榮

戴烈婦

嗚呼藐孤辱在託反死梟獍覩然理絕矣却令閨閣植
綱常誰死誰生胡不恥夫死本是未亡人亦有不亡撫

其子否則夫以天年終抑或姑衰伴暮齒胡天降割入
牢籠良人孱質遭封豕慘死驚傳哭路人况是同牢樹
連理磨筭絕粒制防嚴七日終自經於雉衣帶解下絕
命辭刃讎雪恨精誠矢嗚呼本以託孤孤斬然雙魂團
結恒尺咫顯有律令幽有鬼彼哉彼哉同問彼

吳樂園典裘貫書歌

先生作詩嚴三唐先生采詩浩無疆譬諸鼎彝固法物
寸瑜小璣亦堪藏况夫人各具手目安在唐後盡不錄

退谷文集

詩

七言古

六

二卷

但少四朝詩善本尚方鐫鏤市偶鬻先生道逢神已驚
亟欲購之心屏營少縱卽逝彼焉待驕裘典貫鴻毛輕
載歸位置牙籤隊晨夕搜羅入三昧其中頗自遇真賞
優孟衣冠那可對宋元金明恣徜徉胸有爐冶胡不臧
情不對境盛邊幅先生喞爲瞎盛唐

陶存軒同年送親歸里

我殊踟躕如縮蝟省視縈懷徒刻胃奈何作止不自由
鱸魚蓴菜知何味忽聞陶子送親歸送車接軫相追飛

我亦揚鑣託後乘，歎息至性何依依。此去初渡桑乾水，
咫尺便見黃河瀾。浙江溯湖不一月，屹屹南城瞻舊壘。
堂上簫鼓喧衆賓，斑斕綵袖扶老人。親戚情話悅未已，
高秋爽氣藹如春。念子違親未匝年，上林春已到南天。
隨來燕市設高會，色養朝昏在眼前。而今不怕秋風厲，
釣遊鄉井從親契。掉頭不住真得計，吾徒濡滯成匏繫。
送張侯之定遠任

張侯雅有文字癖，製錦烹鮮臨劇邑。後車載得盡圖書，
遇谷文集

詩

七言古

七

二卷

欲以絃歌浣俗習，憶昔伊吾探秘笈。經緯史兼子集，
尤工制義萃菁華。王薛金陳紛獨立，天子呼來對玉墀。
倚馬千言日未移，是日肩隨什伯輩。能令至尊獨歎咨，
世守一官今以始。自言臣不願爾爲，願就制科酬素志。
其如騎射非所宜，以此逡巡十餘載。坐閱霖雨不得施，
頃以舊恩歸部選。承恩又上通明殿，帝曰治劇惟汝才。
定遠由來稱赤縣，漆園風味未足方。孝肅剛明疲俗變，
濟寬濟猛吾所羨。桑道行之歌舞編，百里絃歌指日見。

周智庵畫

周侯雅有山水癖染就清流連峭壁必逢名勝乃寫生
十日五日常不惜經營慘澹誰能識識者流連三歎息
爲予細寫金陵圖鍾山淮水工無敵翳子大父暨子翁
更追祖德邇宗功丘隴世世託茲土牛眠鶴舉稱藏風
多君爲貌石嘴東分枝劈脉遠無窮鍾阜磴磳大江表
棲霞北固在其中不難一一開生面辭樓下殿奔如電
蝦鬚蟬翼亦分明紛披老筆何其健餘墨揮灑尤善變
退谷文集 詩 七言古 八 二卷

東羽南弟判松江

去年赴闕自湘潭予時展墓在江南今年復命長安道
君判松江計程到不得追飛生羽翰鵠鴒何有罄交歡
履端視事方幾日循聲已自看洋溢五花之判必當堂
人人帖服誰能忘持向公卿說異聞口碑先已傳紛紜
不謂子爲阿所好公論存之將入告廟堂辦事重才能
通守監司不次登君東子悔出山早夙抱苟抒良亦好

才經百鍊才已老次第爲之肯草草

周蓮峯小照

堂堂古貌何軒霽釣竿垂處天無際珊瑚樹長非一世
直欲拂之爲活計磻溪事業原非細安樂窩中王與帝
綠楊之下成小憇淺則揭兮深則厲

退思自嘲

退思之退結於思方其進難退已隨行道濟時吾何有
致君澤民徒爾爲著作祇爲進身計未見文果療人饑
不過聊以博升斗宗族交遊那得知謬謂鴻筆作霖雨
又謂儲相良有之自古功成者身退功况不成退正宜
拍案大叫出門去望望鍾山神已怡成城隍水知免矣
糟糠本不厭奚疑

劉梧桐七十

文戰青春今白首如新如故紛誰某淡與泊遭五十年
相視而笑老不醜始予遇子徐孺家筆驚風雨詞深厚
衆中矯矯相尚難君吞雲夢常八九顧視狀貌却恂恂

體不勝衣羞尚口退省細行不出入矧其大者無一苟
自是文與質交進經經緯史窮淵藪旁及百家躋其齒
汗流藉湜僵且走不見幾年又合并一回一見澆杯酒
胸中蓄貯輒質疑曠若發矇聲作吼不疾不徐恰中窾
驚猶河漢仰如斗人生遇合安足校能自得師賴吾友
邇來相戒入城市問水尋山肯消受吟風弄月恣塵談
子每設覆君隨剖此樂何極不限年君今七十予老叟
且持大斗盡君歡願作雙星同不朽

退谷文集

詩

七言古

十

二卷

題七賢過關圖

七賢謂李白李華張九齡張說王維鄭虔孟浩然出
藍山關遊龍門寺遇雪鄭虔圖之

藍田關外龍門寺七賢曾此來遊戲關門守卒訝威儀
黑雲壓城風雪亟曲江風度本端凝尋梅踏雪尤所嗜
燕公手筆大於身斗酒百篇雪何避廣文右丞筆墨奇
喜充畫材翻得意顧謂遐叔欵欵行曩苦風痺今已治
妙中好事者爲誰貌以丹青作枕秘寫生不待頰添毫

鬚眉秀發神采異琴書襍被各自隨平頭奴子爭流利
風流瀟灑是唐人竹林曠達遙相視乘黃照夜控二馬
騾特巧與施鞵帔軼羣超乘氣無前與人一心肯緩轡
玉山人面馬頭迎松杉挺特留蒼翠峯迴路轉見石橋
迢遙龍門不遠至鄭虔三絕此其一藍本爭摹世無二
當年天子親署尾此日屏幃饒鼓吹摩詰輞川與俱傳
鹿柴風景工位置獨怪倪迂不畫人胡不併留七賢地

退谷文集

詩

七言古

七

二卷

退谷文集

詩

五言排律

上元黃

越稿

壽星見應制

用星字

南極寧常見秋分湧大星時和方露彩人壽不韜形國
脉調元昀天光發異剛義車纔駐馭桂魄未窺庭馮相
登臺望金精出地熒鉉寒過五緯色正兆遐齡映井明
黃菊運松蔭赤苓那須勤服餌自是永康寧灼灼依牛
斗輝輝照闕廷休徵凝紫極法象應蒼冥虎拜稽千首
嵩呼賀百靈羣瞻仁主壽億載樂椒馨

退谷文集

詩

五言排律

吹律考中聲應制

盛世功成日研精協律時元音探造物雅樂入風詩自
古求中氣於今各異師伶倫殊邈矣嶰谷孰尋之圍徑
模難定葭莖灰未吹法錢徒彷彿銅斛亦參差有說存
元定何人命后夔聖神綵往論聲臭契前知獨得黃鐘
秘全祛玉尺疑鑄成金燦爛吹去鳳雄雌奏節梅風應
噓寒黍谷滋以斯同律度卽用叶咸池殷薦天心豫和
宣物序隨冥漠靈爽接無復問庖犧

自鳴鐘應制

西域來奇器陰陽妙契同應時符刻漏按律叶絲桐玉
匱藏三雅金滕秘八風短長隨日至昏旦步星中倏忽
鯨鏗動依稀鳳吹通移時方斂寂赴節又冲融考伐非
矇瞍噌吰合徵宮機緘涵橐籥運用實玲瓏往復璿璣
轉循環氣候逢晦明皆有準日月永無窮人事成天巧
靈臺接化功聖朝多制作鳧氏未爲工

自鳴槍應制

退谷文集

詩

五言排律

二

三卷

太平無事日武備未曾忘戛石生星火攻金作手槍神
機在方寸運動有光鋸不必鑽榆柳何須問柘桑自然
能迅發輕拂遽飛揚大閱三驅合前禽逐隊忙離披紛
決起出沒正周章歛忽加雷電斯須失跳梁五犯纔一
發半稍已重傷自是人無敵如何物敢當祭風遺赤壁
鼓鑄缺軒皇鋒利過弧矢天威震萬方

水圍應制

矢魚臨霸水錦纜映霓旌隱寓攻圍勢明申擊刺形蔽

天成鳥陣繞澤布船營鼓楫紛紛出揚帆欵欵行逢洲
驚鷓鷯過渚亂鷓鷯窟窟無安宅蛟宮失水泓鴈斜難
作字鷗窳不成盟決起飛寧遠啣聲意各忤初觀篷影
合漸覺木城成伏匿誠無地倉皇益自驚火攻同電激
箭勁似雷砮五色船頭墮千奇舵尾阮非關陳水戲未
是喜庖盈緬想荆襄捷回思闔海征時平已偃武世治
久歸耕好趁三春暖遙臨一水滌無煩池鑿漢願以殺
爲生坐作都如法騰驤了不傾由之身手健習此性情
意原無異臨流挈巨鯨

退谷文集

詩

五言排律

三

三卷

綠楊深處坐聞鶯潞河應制

帳殿深深柳青雲鸚鵡生罩天籠瑞日覆地隱流鶯似
覺陽和遍如知草木榮乘時欣有託得路喜無營
曉腕迷簫管交交弄竿筇獨啼歎載好並坐亦多情接葉無
踪跡遷喬儼送迎農功方布穀鳥意欲催耕仗外千畦

映寰中百舌鳴皇衷昭豫泰物序驗昇平上苑二眠態
瀛洲萬轉聲潞河畿輔地駐蹕聽鷓鴣

清明前後麥花香應制

來牟貽隔歲暢茂在青陽葉滿疑無地花開別有香
番風乍到百五月初長雨露宜難一肥磽那可常是時
皆未熟遍處已添黃戴勝桑間舞鳴鳩隴畔翔老農欣
盼望媿婦喜芬芳細細因風覺遙遙拂曙颺色參桃李
笑味與蕙蘭方率育知田祖豐穰答聖皇天心徵悅豫
人力兆平康不覺將芒種千畦待插秧

退谷文集

詩

五言排律

四

三卷

喜雨應制

喜慰桑田望欣寬密勿憂應時沾潤澤入土利鉏耰海
宇原霑足畿南待渥優來牟才刈穫黍稷亟咨謀不比
歌雲漢還思劑競綠清刑空犴狴簡政戒虔劉誠至高
爲聽馨聞澤洵流阿香馳步輦少女馭靈蚪太液波應
滿西山翠欲浮村村荷篔簹處處沃田疇萬國均霖雨
三農冀稔秋普天皆樂利聖德默相酬

片雲生處足桑麻應制

聖世桑麻重農功
滲漉勤長空
方浩蕩一片忽氤氳
自是天垂澤非關山出雲
不然膚寸合何以霧烟紛石燕
翩躚舞銅鳥左右分濯枝殊沃沃
潤葉覺欣欣魚鱗先時出
鳩鳴隔隴聞桔槔誠不事灌溉
可無勞頓覺千畦滿徐觀萬井殷
太平占樂利熙皞托耕耘雲物書分至
靈臺望祲氛關心唯密勿億載託仁君

雲開灌木萬山青應制

退谷文集

詩

五言排律

五

三卷

紫塞迎仙仗陰崖卉木萋千層青靄合一派白雲齊
舒卷隨風去菁蔥覺鳥啼有山皆翠巘無處不黃鸝
並峙如金馬孤鶩類碧雞徑迴開綠野谷轉上丹梯
脉自崑崙北峯連瀚海西陰陽分早暮靈秀逐高低
嵐暝探無迹烟消望弗迷遙遙瞻竹栢歷歷辨鳧鷖
地勝成臺沼天文聚斗奎九天巖岫裏當暑亦淒淒

紅苗向化恭紀

荆苗霑聖化編戶似齊民伊昔分生熟從來健身語

言非所達嗜好任其真寨以強相併羣多獷未循狼貪
常肆掠豕突易生嗔不足煩兵力無由使化淳聖神操
密勿督撫出丹宸措置遵方略恩威聽屈伸謂茲皆赤
子所在盡斯人負固傳中古歸誠及十旬天威良足畏
習尚頓能馴椎髻雖前俗衣冠實可珍張官爲置吏雉
髮許垂紳無復牛爲珮胡爲茜染巾方當天有道况是
地無垠朔漠連鰲背臺灣盡海濱五溪原咫尺三楚舊
眞醇鍾算聞風服盤塘顧化新都緣方內理故願行同
退谷文集 詩 五言排律 六 三卷

倫中外皆誠悅甄陶荷至仁

西山積雪

晴雪映危旌金方玉竦橫連天初渾灑拔地乍分明萬
壑光凝素千巖凍合瓊樵蘇應絕徑虎豹未成行檀栾
檀栾天開多琪樹天開得水晶朔風吹不散落日照還
西山勝處瑩晚燒誠無自朝雲似轉盈春回山色改依舊滿都城

玉河冰泮

流澌纔破臘春注御河水風射蛟千片雲開玉幾層波

非雲夢撼氣已岳陽蒸渡不煩狐聽行無礙鷺騰晴光
搖岸芷佳靄到魚層那復繩床滑應難蠟屐乘舟能移
上下色解辨淄澠隄柳差差近亭闌欵欵凭依然千頃
碧仍是一波澄火樹金爲彩星橋月作燈豈嘗忘栗冽
條已謝嚴凝不仗東皇力東風詎可憑

春風

聖德如風被和煦萬國同八埏噓吸內一氣斡旋中柳
拂瀛洲綠花催上苑紅尤能蘇土脉更足兆年豐農務
看看急溪流漸漸融三春烟景好解縕勝薰風

退谷文集

詩

五言排律

七

三卷

賦得潤物細無聲

侵曉疑零露霏微物暗滋沾衣剛欲濕灑面也相宜柳
嫩黃加色梅嫣紅益奇麥畦輕浪溢葑圃重烟迷入土
何能寸添泉不滿池待看簷溜下似覺鳥飛遲律暖吹
成片陽和漾作絲聖朝無破塊生意遍東苗

賦得月傍九霄多

一樣山河影皇居迥不同鯨鐘初動後魚鑰未開中漸

覺冰輪湧徐觀玉闕融光生青瑣闥彩澈翠微宮柳隱
瀛臺綠花窺上苑紅天街人影寂仙掌露盤空鳥息棲
還起星流西復東雞人疑曉曙虎旅夢朦朧夜白遲宵
杳雲影佇曉風清輝彌皎潔皓魄遍冲融海宇知何極
長安望不窮火城添燦爛五夜集天工

賦得我愛夏日長

惜陰憐短景况乃正當陽赤日行天午紅蕖弄水香
難書依密柳汲古傍修篁意動鳴蟬靜思遲語燕忙槐陰
退谷文集 詩 五言排律 八 三卷
方到檻花影未過墻雲黑催詩早風清拂硯涼佳人譁
雪藕公子畏探湯枕簟棲林急棋枰對客狂無爲翻若
永有用轉宜長廻首焚膏日從容不敢忘

賦得密林含餘清

潔齊相見後草木怒生時遠影連天碧濃陰得日遲晨
曦浮瑞靄夕照映高枝莫辨槐檀種惟餘蔥蒨姿叢疑
蹲虎豹勢欲走蛟螭隱寺鐘聲出藏村犬吠知歸雲無
意入倦鳥有情窺風颭千梢競烟橫一帶奇頗難尋隙

地誰已結茅茨坐聽松濤響行看樾蔭移身閒真自得
性癖頗相宜爲愛深林好悠然忘所之

賦得空中任鳥帶雲飛

雲路知何限高飛帝座通
凌摩聊自適膚寸偶相逢
舒卷原非翼搏扶若有風
爭先齊下上赴遠忽西東
足亂姿難定聲聞狀覺狎
迷離方辨色出沒又依叢
鴈陣添行列鵬程接化工
落霞蒸羽翠孤鶩映霄紅
罽樹同棲息歸山已混同
誰窮雲變化孰識鳥雌雄
信是鴻濛力翻知造化功
倘非天廣大何不礙虛空

退谷文集

詩

五言排律

九

三卷

賦得天秋涼氣分

月令纔徂暑朱明歛素秋
依然雲巧變已覺氣彫鏤
蟬噤聲初咽桐驚葉乍抽
絺衣濃露濕團扇小風颺
鷹隼翻修翮鳴鳩漫養羞
炎熇方幾日底事火西流

賦得霽河千里曉橫銀

河漢寂無聲凌晨分外清
長懸千里影近掛九重城
涼露適初滿微雲猶未生
衆星方掩靄一水獨澄泓
薄縠

蒼旻迥遙天素練橫昨宵曾卧看不及此分明

賦得超然與道俱

和原韻

乾坤吾父母位育答恩劬宇宙爲廓廓綱常定楷模肇
端根渾沌得統始唐虞精一宣蒲坂風流被舞雩微言
宗孔孟妙理闡程朱主敬寧傳鉢求心不結跌畫前原
有易太極本無圖揚扝推賢喆鑽研在學徒觀生留砌
草待兔失原株聽說祇園樹因迷象罔珠虛無淪寂滅
仁義遂榛蕪墜緒尋姚姒旁搜邇泗洙淵源何必異體
用自然殊奚取遊談輩仍非山澤癯文章雖在外性命
與之俱穿穴紛奇僻駢枝陋濁愚沉潛斯上達純粹是
眞儒曼矣追先躅瞠乎恐後趨日新占大畜天應協中
孚動靜時行止悠然道味腴

和杜工部偶題

步原韻

少陵聲價重當世未眞知險阻平生歷詩篇奕禩垂風
騷嗟已遠綺麗盛於斯餘子爭喧逐壯夫肯浪爲讀書
無畔岸落筆有模規律較前賢細心同後輩疲馮唐年

易老李廣數何奇，衰衰登臺者紛紛。學語兒艱難逢播
越，跋涉歎成齡。漫挾憂時策，徒爲嫉俗辭。一官同棄置，
三徑屢遷移。轉徙營新壘，蒼茫失故枝。晴江看翡翠，絕
岸走蛟螭。烽火年年暗，干戈處處危。廟堂誰駕馭，盜賊
眯尊卑。干將埋深土，神龍戲淺池。但教終歲卧，不使一
旄麾。疆域連沙漠，威名過月支。先朝藏虎豹，此日駐熊
羆。且復疏泉脉，聊爲植土宜。待乘巫峽水，直泛漢溪陂。
佳氣園陵在，無心賦黍離。

退谷文集

詩

五言排律

十

三卷

怡園楸花

宛如巖岫裏，老樹發新葩。幹自參天古，花能覆地斜。層
層鋪錦幃，密密簇紅芽。隔葉鶯仍語，尋香蝶尚譁。恰當
藤作碧，漸次藥翻霞。黑白看成實，敲枰興轉吟。

新竹

何必篔簹谷，春深過薜牆。乍萌蛭在蚶，旋見弩斯張。解
籜聲初細，翻梢影漸長。節堅方褪粉，葉嫩尚沾黃。條忽
追前輩，菁葱占上行。雷猶生穉子，風已奏絲簧。疎雨亦

成滴微雲便覺涼低垂荷的歷高拂燕輕狂淚漬瀟湘
水名依淇澳光梅欹橫絕澗松老峙高岡臭味稱三友
清剛各一方待他添晚翠結實看棲凰

海寧許大宗伯

十年常樹木薪樵尚無窮况爲人材計須知樂育功海
寧鍾峻德宇內得宗功著述千秋迥揮毫自代雄棟隆
需樸斲玉璞待磨礱派別歸江海峯攢仰岱嵩惇庸今
典禮鎖鑰昔司農勲業傳燕北文章冠甬東三吳曾視
退谷文集

詩

五言排律

三

三卷

學四國沐清風予亦叨陶冶人皆貯藥籠菁莪誰使綠
桃杏若爲紅盡坐陽和裏都來雨露中休休渾是度斷
斷必由衷位盛情彌浹神完壽益豐從來公輔望報國
在公忠

查制府

封疆南國重帷幄世臣良簡畀由宣室威嚴出建章兩
江咸在宥八座審弛張薄俗何能厚澆風欲與臧情知
需教化柄必合員方察吏先觀我懸魚絕餽將懲貪霜

在簡舉善酒承筐虎旅勤操演龍韜屢激揚平情聽氣
色折獄省桁楊霖雨時愆序精誠格上蒼歲年逢大有
禮樂起非常號舍纔增廣書齋傲廟廊尚方旌匾額多
士富趨蹌鹿洞規重整湖鄉學又昌粥餽煩擘畫獎礪
足春糧百年過樹木一日看騰驤觀聽橋門化絃歌下
里翔人倫明皎皎親睦樂穰穰風俗人心古重熙累洽
長作人歌壽考用以報天王

喜雨爲制府查公作

退谷文集

詩

五言排律

三

三卷

允慰桑田望能舒制府憂當春薈茂草入夏沃來牟辛
苦祈霑足蒸黎待麥秋如何零雨候不見水泉流鈴閣
深深念齋心宛宛求溪雲看黯澹義馭忽堯收少女靈
蚪舞阿沓步輦道疑傾三峽水佇見百川浮秀矣從今
實優哉竟滿篝况乘隄堰溢益爲稻梁謀信是知時節
眞成捷應酬兩江多少戶一念盡懷柔

恭紀

御賜鍾山書院敦崇實學扁額

文明徹九有奎壁照三吳
淮水恩波接鍾山化雨蘇
軒闕方泮壁絃誦滿生徒
經始遵宸訓觀成頌樂胥
天章頌北闕御墨賜南都
日射黃金勝祥開赤伏符
百官皆踴躍多士盡歡娛
園堵咸傾聽啣恩最魯儒
報稱難責塞感激遂山呼
風雨無休後揣摩有得乎
虛聲徒焜耀實學在根株
聖主提撕意惟懷作永圖

退谷文集

詩

五言排律

古

三卷

五言排律

聖主提撕意惟懷作永圖

退谷文集卷之三
五言排律
聖主提撕意惟懷作永圖
退谷文集卷之三
五言排律
聖主提撕意惟懷作永圖

退谷文集

詩

五言律

上元黃

越稿

太平庄

小築東郊迥幽尋曲徑通
翳天村樹綠遍地野花紅
載酒情何極吟詩興不窮
主人偏好客欲去繫青驄

七夕讌集怡園呈安溪相公

太傅園亭好朝回作勝遊
百昌看自化萬物會無憂
論道聞周孔臨文邁柳歐
星河看欲上午夜恰當頭

孟秋有聞

退谷文集

詩

五言律

一

四卷

入秋常剩暑今直不驚秋
烏鵲觀初駕星槎欲再浮
藕絲猶自雪冰簟未能收
此月猶當閏西方火漫流

和朱言如同門中秋

纖雲皆歛盡遠燒照天紅
銀漢清無際冰輪湧不窮
百昌占大有萬寶待成功
秋色平分夜遙憐處處同
箕踞貪涼月何須佩雜珉
引杯原有酒投鉢豈無魚
物序觀榮落功名任卷舒
登途方袞袞秋興竟何如

賦得秋色老梧桐

上元黃

越稿

矯首聆庭柯西風著處多初驚一葉下漸覺九秋過雲
黑沉菰米霜紅挂薜蘿鳳凰枝已老棲息待如何

賦得楓落吳江冷

霜葉已辭柯兼天擁白波遙村明浦澈荒戍掩江沱刈
穫無遺秉塗泥有敗荷凝眸看斷岸雁陣忽驚過

題岳陽樓圖二首

宋鄭居中畫元趙仲穆
書唐孟襄陽詩稱三絕

尺幅波瀾濶危樓揖混茫全收雲夢雨半染洞庭霜洲
勢飛鸚鵡臺高集鳳凰一般江上景咫尺接帆檣

退谷文集

詩

五言律

二

四卷

剪得吳淞水平添注岳陽樓觀三楚隘城壓九溪長畫
手摩南宋詩題跨盛唐臨池加仲穆三絕數誰強

嘲菊

白是輪蹄道何來隱逸花似嗟籬冷落不怕市喧譁種
種攢成錦行行散作霞馬前巢許拜溜影上窻紗

解嘲

却是園丁酷全擔向洛陽移根加束縛顧影失疎狂艷
想輕霜白濃添淡月黃幽姿原不改莫漫狎壺觴

懷鄧四岳四首

小築城南曲藏山跨一灣經年無剝啄鎮日有躋攀閣
世波瀾濶逢時跋履艱父書穿穴遍辛苦亦安閑

最是天倫樂鄉評說友于醉眠常共被病起漫燎鬚荆
樹原同幹棠花祇一株栢棧先子澤何有亦何無

有子期繩武藏書盡付之已覘頭角露尚恐奮飛遲理
自精中剖文從工後嗤以茲常點檢樂在不知疲

廿載依陳榻俄然共禿翁竹梧穿幕綠梅杏二書紅忽

退谷文集

詩

五言律

三

四卷

漫從東道相思託北風宦遊吾已倦歸息待君同

華亭王相國八十壽四首

相業當熙代和平帝座通陰陽爲國脉燮理是天工事
悅心何有休容度自公倚惟仁者壽端的得年豐

况是科名盛文章位上台方從三殿入旋侍九闈來典
禮加寅畏詮衡得異才司空經歷試容易樹三槐

樹人誠大計歷歷攄公忠闡嶺薪樽闢秦關械樸通禮
闡歸古茂文體脫時風親見菟羅密羣直冀北空

本不關家世况乃接醇風
易奕衣冠肅蟬聯爵位崇
宮詹方吐鳳仲季洵乘駟
駘稱觥日牀邊笏滿叢

嚴西武同門七十步江浦師韻四首

宦成如故我安肯逐流淫
志本違溫飽貧尤愜素心
花磚陰漸上劉井汲彌深
前輩風流在何人繼自今

到底出鋒稜文章命敢憎
連牛原似虎避俗却如僧
緣督經曾驗嬰兒學已能
一當聞義起鬚髯俱飛騰

夢寐旌先妣回思益自憐
聖朝崇苦節孤子恨終天
淡

退谷文集

詩

五言律

四

四卷

墨曾題榜濃思遂及泉陳
情猶有待再上萬言篇
在笥慎衣裳誰當襲上庠
大僚推國老後輩讓康強
硯眼鑄鵠鶴絺紋織驢驢
一同高捧出七十沐恩光

送蕭輪求赴興化二首

漢相由秦吏君承遠祖風
圖籍胸羅富錐刀筆競工
羣公諮典故柱史歎淵通
不次方超擢何當縮半通

我來雙闕下旦夕得過從
螭眼烹初熟龍涎爇半濃
有時花底散間日水邊逢
君去爲官後離愁應幾重

首春張仲緒主政寓齋讌集

時予連
失二孫

歲朝今十日始一破拘攣真率忘衰老詎諧雜少年三
升初引後百感未生前酒力憑摧陷愁城已墮堅

俞聘鄧貞女送主歸俞

慘澹盈門會虛幃若有人俟堂如奠雁畫額莫窺螻作
嫁衣裳假願爲連理真十年冰雪意墓木正輪囷

南宮廣文趙東籬

歲歲東籬下黃金染素毫厨荒唯首菹味永勝蟬螿弟

退谷文集

詩

五言律

五

四卷

子羣空冀先生坐擬陶採詩期萬首不羨鬱輪袍

同劉梧桐王晴江棲霞萬松庵夜話四首

棲霞還宿雪羣玉作山圍樓殿參差合松杉項領肥磴
危穿溟滓炬舉奪光輝記得秋霜裏漫山紅葉飛

萬松松異態排闥座全收閱世經前代詠茆占此丘簷
濤天上響泉竇樹梢流蘭若山中富居然坐上頭

到門纔接膝且復問樽中一舉談初合三升話不窮幾
年新契濶終古舊鴻濛搜括無倫次山深失曉鐘

倦起緣沿下乘曦眼倍寬諸山羅遠勢兩壁聳奇觀佛
坐巖前冷江流嶂後寒春來當再出重與細盤桓

與張仍渠農部河亭話舊四首

投老秦淮上褰裳溯泗難招携聞勝侶踴躍共凭欄笛
欵桓伊步舟迴桃葉灘鄉中水信美瀟灑過彈冠

與君成二老引退已臨年管鑰還民部篇章避眾賢輓
漕蕭相國吐氣李青蓮追逐成何事蕭然坐水邊

伊昔臨文陣君才十倍予囊雖方處穎時予未入學彩筆已

退谷文集

詩 五言律

六

幽卷

凌虛

君同學前輩

安國金華殿

謂胡芝山殿撰

交通五馬車

謂江漚川太守

翻教稱碩果及爾遂其初

親戚偕情話臨流覺浩然虛舟還泛泛競渡屢僂僂畫
紙聊充局敲針欲代筌遺書憑稚子且共少俄延

贈白上聞二首

寂寞香山後於君得正聲書真王內史詩偏謝宣城從
俗呼牛馬隨行逐弟兄風塵逢物色肉眼始分明

與君同里閨十載隔心期爾旣韜文繡予焉別綵絺破

書追杜老秃筆埒羲之結想辭凡近高懷雅自知

顧師臣新築會集二首

舊雨來今雨堂高恰聚星切劘同鑄視羅剔共鋤經惜
別西東燕相逢湖海萍晴窓弄杯斝語久醉還醒
數弓新結構舊燕共棲遲手藉工師巧心由發縱知易
安斯寢日情話畢生時契濶堪持贈幽懷肯自怡

溪雨豆花肥

豆花將向實溪谷正屯雲膚寸韜天彩經時簇水紋百
昌皆挹注萬井荷氤氳菽麥姑無辨馨香總上聞

麥熟苦雨四首

皆熟胡霜濕艱難到麥秋相看泥活活不得釋叟叟荷
笠腰鎌望登場苦蓋愁何能乾后土肥瘠一時收
貽我自昨歲翻爲日至憂咄嗟羞寢廟旦晚答處劉盼
望添蛛網鈎輶怨乳鳩天驚漏難補無計救來牟
麥穰生孫矣霖甘久遂靈鹿場泥沒鼉蛙鼓鬧成林木
望青黃接空教泥爛侵聲磬催布穀好鳥更何心

爛麥是豐年諸艱在眼前情知栽插好誰念釜鬻懸三
一餘難待十千取可憐耽耽此升斗搔首向蒼天

白上聞吟社坐青溪曲招飲賦贈二首

吳鑿湖流入青溪南塹開六朝營苑圍幾處沒蒿萊所
愛三竿竹仍添一樹梅凭軒聊寓目俯仰亦悠哉
昔聞偕勝侶今得憇茅亭刻燭曾分韻傳杯每聚星池
添新漲綠雨洗舊山青我亦耽吳咏來歌愧典型

吳贊育遺照

退谷文集

詩

五言律

八

四卷

不見二十年劔履輕綃上淡月幾升沉疎桐仍玉相金
臺揮霍意白下淒涼况展卷如見之生涯忒搶攘

10434

